


S ti scaramizzuli di
puesia urale, à
Doria li sò vinuti
cusi, d'estru, mentre
ch'ella fighjava l'opera di
Jean-Claude...

**À l'asgiu i si hà riguar-
ti...**



Vi vularia parlà
Chì mi pari ritruvà
Fighjulendu issu ritrattu
Ciò chì fù
Vita straziata
Di i nosci antenati.

O ! castagnu binidittu
Tu chì fù
Mani di Diu
Fighjulendu issu ritrattu
Si ni sdrughji
U me fiatu.

Vi vularia cuntà
Chì mi pari assuffucà
Soli in pettu a so fedu
Ci n'hè unu beddu beddu
Solu solu è sulettu
A si prova bedda bedda.

Ma ni vengu à i fatti
È mi pongu a quistioni
Fighjulendu quissu l'arti
I me ochja dumandindu
Chì ci hà datu di so mani
Quistu famosu artigianu.

Senza essa di mistieri
È nemancu di cultura
Eccu chì mi ven'à menti
Dui castagni fiuriti
À maschili è feminili
Cù a nechjula mischina.

S'iddu si v'è più luntanu
Purtatu da a biddezza
Di u lignu travaddatu
Cù u sintimu pietosu
S'affacca a Virgina Maria
Cù u Cristu, santu divinu.

Ùn mi possu cuntintà
D'issa maghjina «pietà»
Chì mi pari ch'iddu ci hè
In issi visi stantarati
U dulori di l'umanu
À l'eternu hè zuccatu.

Mi ni vogu tandu in fondu
Trapassindu ciò chì l'omu
Teni caru è profundu
Di la mamma ristaccatu
Comu u ciucciu in u corpu
Iddu campa in a stacca.

Ghjuntu, à issu puntu di fortuna
Viaghjindu à l'arringuarsciu
Da u curdonu intricciati
L'un' è l'altu à l'infinita
Campanu a so vita
Strinta strinta è vicina.

Chì putenza di sprissioni
Chì ricchezza, chì passioni
Ch'iddu t'hà quì l'artigianu
Cù u so sbiecu in manu
Da essa intesi da tutti
Un' arichja hà vulsutu.

Un mi possu arristà
Di fà quì l'usservazioni
Chì m'innavicu avali
In un ovu ci hè a vita
Chì sboccia à l'infinita.

Dunqua s'è ritengu a lizzioni
No semu stessa ciucciata
L'omu è a donna faccini unu
È campanu u viaghju
Manu manu abbracciati.

Ci saria tant'à di
A simbolica hè chjara
Quiss'a sentu hè di farru
Ma l'ambiguità hè tali
Chì mi fermu corpu biotu
Affamita come tuttu di quistioni
senza nomi.

Sogu è quissa hè sicura
Di quiddi chì vularianu
Stuzzicà in a materia
Par capiscia è schjariscia
A natura di l'umanu
Tandu s'entri in u duminiu
Di l'alta filusufia.

Sò custretta di piantà
Ma mi devu di ringrazià
L'autori ginerosu
Cussì sol'è primurosu
Di renda cu nubiltà
Un arti da amparà.